

COMUNICATO n. 3581 del 29/11/2025

Manà fora su Trentino Tv l program l vegn endrezà dal Comun General de Fascia

“Pedies”: en sabeda ai 29 de november vegn fora la puntata #514 del program ladin per la televijion

[Ladino] Ence chesta setemèna l é a la leta l nef apuntament de “Pedies”, rotocalch ladin de informazion, ruà a la puntata n. 514. I argomenc che vegn portà dant te la puntata de chesta setemèna l é:

Ai 25 de november, per la Di internazionèla per descancelèr la violenza contra la eles la Scola ladina de Fascia en colaborazion col Comun General de Fascia, l à endrezà “No una de più” na sera de sensibilisazion en cont a la violenza de jender. Fora per la setemèna passèdes i studenc di licees con sie insegnanc i à lurà fora l argument tras enrescides e sondajes. Endèna la sera i à portà dant stories de violenzes e i dac biné su; de grà ai esperc Franca Giovanelli, Responsabola del portel de scout de la sociazion La Voce delle Donne, i avocac Andy Rossi e Alberto Scerbo, e la soziologa Valentina Molin, i à prejentà n chèder prezis sul argument en cont a noscia valèdes.

“Talis Mater” l film del regist Marco Rossitti, produzion de la Majon di Fascegn, l é stat portà dant per la pruma outa te Fascia. Na testimonianza de gran emportanza che rejon a Liz e Sunta, mère e fia, che les à scrit e che les seghita amò a scriver la storia del Vera; chela piccola vila sora Penia, la più auta de dut l Trentin. N viac tel cher de la ladinità anter passà e prejent, per se far n pensier su tant che la memoria individuèla e coletiva la seghita a ge dèr forma al paesaje uman de la Dolomites.

Te la rubrica “Svampol ciatarul: jent che fèsc jerveèr sie cunst” Manuel Riz autor e desegnador se porta dant e rejon a de sie nef liber “Il pendio bianco” olache tras i comics l conta de la storia del schi. Na publicazion con contegnui neves e no cognosciui che la vegnarà portada dant a duta la comunanza en lunesc 1m de dezember domesdi te museo ladin de Fascia.

I reports de chesta setemèna i é stac enjigné e porté dant da Riccardo Zanoner e Angela Pederiva.

Metù a jir col sostegn del Comun General de Fascia, de la Provinzia autonoma de Trent e de la Region autonoma Trentin – Südtirol, “Pedies” l va fora su **Trentino Tv – canal 10 Prov. de TN**- vigni sabeda da les 18.00 (sie da sera), de domenia da les 13.30 (mesa la does domesdi) e de lunesc da les 11.30 (mesa les doudesc).

L program ades l va fora ence sun **AltoAdige TV – canal 11 de BZ** - vigni domenia da les 18.00 (sie da sera).

Se pel veder duta la puntates ence sul canal YouTube de TV Ladina sot chest link:

<https://www.youtube.com/@TvLadina>

opuramenter se pel veder i servijes un a un su la piata Facebook de TV Ladina

<https://www.facebook.com/TelevijionLadina>

Traduzion di Servijes Linguistics e Culturèi del Comun general de Fascia

(cdt)